



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2073/10
Sarajevo, 28.7.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29.07/10			
Organizacione jedinice	Klasifikacione oznake	Redni broj	Broj priloga
		01-50-1-15-78/10	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 129. sjednici održanoj 27.7.2010. godine, utvrdilo je Odgovor na zastupničko pitanje koje je postavio gosp. Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2073/10
Sarajevo, 27.7.2010. godine

ŠEFIK DŽAFEROVIĆ, poslanik u Predstavničkom domu Parlamentarne skupštine Bosne i Hercegovine, na **79. sjednici** Predstavničkog doma Parlamentarne skupštine BiH održanoj **16. juna 2010. godine**, postavio je Ministarstvu sigurnosti BiH sljedeće poslaničko pitanje:

„U kojoj fazi je uspostava državnih policijskih struktura u BiH? Ovo posebno kada su u pitanju Agencija za školovanje i stručno usavršavanje policijskih kadrova i Agencija za podršku policijskim strukturama u BiH. Da li su tačne informacije da Agencija za školovanje i stručno usavršavanje policijskih kadrova pored već postojećih prostora u Sarajevu i Banja Luci namjerava graditi vlastite?“

Na postavljeno pitanje, Vijeće ministara Bosne i Hercegovine je na **129. sjednici** održanoj **27. 7. 2010. godine**, utvrdilo sljedeći

ODGOVOR

Agencija za školovanje i stručno usavršavanje kadrova, sa sjedištem u Mostaru, osnovana je kao upravna organizacija u sastavu Ministarstva sigurnosti Bosne i Hercegovine s operativnom samostalnošću, što je precizirano u Zakonu o direkciji za koordinaciju policijskih tijela i o agencijama za podršku policijskoj strukturi Bosne i Hercegovine („Službeni glasnik BiH“, broj:36/08).

Odlukom Vijeća ministara Bosne i Hercegovine, broj: 32/09 od 26.02.2009.godine (Službeni glasnik BiH“, broj: 24/09) utvrđeno je da je sjedište Agencije za školovanje i stručno usavršavanje kadrova u Mostaru.

Vijeće ministara BiH je na svojoj 119. sjednici održanoj dana 22.04.2010. godine dalo saglasnost na Pravilnik o unutrašnjoj organizaciji Agencije, kojim je utvrđen ukupan broj od 65 izvršilaca. U toku su pripreme za raspisivanje konkursa za prijem državnih službenika i namještenika.

Obzirom da se radi o novoformiranoj instituciji za koju nisu osigurani objekti i infrastruktura za rad, odmah se pristupilo aktivnostima na izradi projekta s ciljem izgradnje objekta i infrastrukture za potrebe Agencije, kako bi u punoj mjeri mogla ostvarivati svoje nadležnosti. U Vijeću ministara Bosne i Hercegovine je u proceduri

Informacija o potrebi izgradnje i procjeni troškova izgradnje objekata za rad Agencije za školovanje i stručno usavršavanje kadrova, prema kojoj je predviđena izgradnja objekata za trajni smještaj Agencije. Procijenjena vrijednost projekta (zemljište, priključci, projektna dokumentacija, predviđeni objekti) iznosi cca 8.000.000,00 KM.

Ministarstvo finansija i trezora BiH i Ured za zakonodavstvo Vijeća ministara Bosne i Hercegovine su za Informaciju dostavili pozitivna mišljenja, te se očekuje njeno usvajanje od strane Vijeća ministara Bosne i Hercegovine. Navedeni projekt bi se realizirao osiguranjem sredstava u budžetu institucija Bosne i Hercegovine kroz višegodišnja kapitalna ulaganja (2011.-2013. godina).

U skladu sa planovima školovanja i obuke kadrova koje su dostavili: Direkcija za koordinaciju policijskih tijela BiH, Granična policija BiH i Državna agencija za istrage i zaštitu očekuje se da će ova Agencija na školovanju kontinuirano imati oko 400 polaznika (kadeti prvog nivoa osnovne policijske obuke za sticanje čina policajac, kadeti drugog nivoa osnovne policijske obuke za sticanje čina mladi inspektor, polaznici stručne specijalističke obuke iz državnih policijskih agencija).

U saradnji sa policijskim agencijama Bosne i Hercegovine Agencija za školovanje i stručno usavršavanje kadrova izradila je prijedloge Nastavnih planova i programa osnovne policijske obuke, nivoa I i II, te ih dostavila Ministarstvu sigurnosti Bosne i Hercegovine na dalju proceduru i usvajanje. U toku je izrada i ostalih planova, pravilnika i akata neophodnih za početak realizacije osnovne djelatnosti Agencije.

Uzimajući u obzir vremenski period potreban za izgradnju objekta za trajni smještaj i, obaveze Agencije vezano za njenu osnovnu djelatnost (obuka policijskih službenika), u toku su aktivnosti traženja alternativnog rješenja odnosno objekta za privremeni smještaj i rad s ciljem pokretanja procesa školovanja i stručnog usavršavanja kadrova policijskih agencija Bosne i Hercegovine. Vezano za te aktivnosti trenutno se čekaju neophodne saglasnosti za sklapanje ugovora o zakupu, nakon čega bi se pristupilo konkretnim poslovima kako bi u konačnici, već od sljedeće godine, imali minimalne operativne kapacitete za školovanje polaznika – pripadnika policijskih agencija Bosne i Hercegovine.

Prema već spomenutom Zakonu o Direkciji za koordinaciju policijskih tijela BiH i o agencijama za podršku policijskoj strukturi BiH, članom 19, Agencija za školovanje i stručno usavršavanje kadrova je preuzela poslove iz nadležnosti **Granične policije BiH**, koji se odnose na školovanje policijskih kadrova BiH nivoa I, za -čin policajac i nivoa II, za -čin mladi inspektor. Članom 5, Zakona o izmjenama i dopunama zakona o Graničnoj policiji BiH izvršena je izmjena organizacione strukture Granične policije BiH tako što dosadašnji Centar za obuku više ne egzistira. Novi Pravilnik o unutrašnjoj organizaciji Granične policije BiH, čije je donošenje u toku, uvažit će odredbe naprijed navedenih zakona.

Kada je u pitanju **Državna agencija za istrage i zaštitu** reforma policijskih struktura još uvijek nije realizirana u smislu preuzimanja Odjeljenja za obezbjeđenje ličnosti i objekata od strane Direkcije za koordinaciju policijskih tijela. Već nekoliko mjeseci kasni obuka novoprimitljene generacije kadeta u Državnoj agenciji za istrage i zaštitu, zbog toga što je Agencija za školovanje i stručno usavršavanje kadrova, tek u ovoj godini počela aktivnosti oko stvaranja formalno-pravnih pretpostavki za realizaciju obuka policijskih kadrova.

Agencija za policijsku podršku-potporu, sjedište u Sarajevu, je novoformirana Agencija u sastavu Ministarstva sigurnosti BiH, osnovana u skladu sa Zakonom o Direkciji za koordinaciju policijskih tijela i o agencijama za podršku policijskoj

strukturi Bosne i Hercegovine. Službeno je počela sa radom, danom imenovanja direktora i zamjenika direktora 26.02.2009.godine na 78.sjednici Vijeća ministara Bosne i Hercegovine.

Pravilnik o unutrašnjoj organizaciji Agencije je dobio saglasnost Vijeća ministara na 119.sjednici Vijeća ministara Bosne i Hercegovine, održanoj 22.04.2010.godine. U toku je aktivnost zapošljavanja državnih službenika i zaposlenika što je u skladu sa donesenim Akcionim planom zapošljavanja i odobrenim budžetskim sredstvima Agencije.

Direkcija za koordinaciju policijskih tijela BiH pripremila je Prijedlog Pravilnika o unutrašnjoj organizaciji i dostavila ga Ministarstvu sigurnosti BiH radi upućivanja Vijeću ministara na konačnu saglasnost. Nakon usvajanja Pravilnika krenut će se u popunjavanje sistematiziranih upražnjenih radnih mjesta, u skladu sa odobrenim sredstvima. Istovremeno pripremat će se procedure koje Vijeće ministara treba donijeti a kojima će se propisati način i rokovi preuzimanja osoblja, opreme i objekata jedinica iz sastava Ministarstva sigurnosti i SIPA-e koje treba da pređu u sastav Direkcije. Vijeće ministara Bosne i Hercegovine je iz rezervi Budžeta institucija BiH Direkciji dodijelio finansijska sredstva u iznosu od 981.000 KM za funkcioniranje u 2010.godini.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2073/10
Sarajevo, 26.8.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-08-2010			
Organizacioni broj broj	Registracioni broj osoba	Redni broj	Broj priloga
01-50-1-15-79/10			

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 131. sjednici održanoj 26.8.2010. godine, utvrdilo je Odgovor na zastupničko pitanje koje je postavio gosp. Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2073/10
Sarajevo, 26.8.2010. godine

Šefik Džaferović, poslanik u Predstavničkom domu Parlamentarne skupštine Bosne i Hercegovine, na 79. sjednici Predstavničkog doma održanoj 16. juna 2010. godine, postavio je Vijeću ministara Bosne i Hercegovine sljedeće poslaničko pitanje:

„Šta je učinilo Vijeće ministara BiH kako bi se sudijama i tužiocima u BiH koji rade van svog mjesta prebivališta isplaćivala naknada troškova stanovanja i odvojenog života?“

Na postavljeno pitanje, Vijeće ministara Bosne i Hercegovine je na 131. sjednici održanoj 26. 8. 2010. godine, utvrdilo sljedeći

ODGOVOR

Zakoni o platama sudija i užilaca doneseni su krajem 2005. godine od strane Visokog predstavnika i to kao set od četiri usaglašena zakona koji regulišu pitanje plata i naknada nosilaca pravosudnih funkcija na svim nivoima organizovanja pravosuđa u Bosni i Hercegovini.

Zadovoljavajući princip harmonizacije i jedinstvenog regulisanja materijalnih primanja nosilaca pravosudnih funkcija na svim nivoima pravosuđa, Visoko sudsko i tužilačko vijeće Bosne i Hercegovine (u daljem tekstu: VSTV), zauzelo je stav da je neophodno, izmjenama i dopunama zakona o platama, na jedinstven način izmijeniti i dopuniti ovu regulativu kako na nivou Bosne i Hercegovine, tako i entitetskom nivou odnosno Brčko Distriktu Bosne i Hercegovine. Odlukom od 23.07.2008. godine, VSTV je formiralo Radnu grupu za harmonizaciju plata sudija i tužilaca, sa zadatkom da izvrši analizu postojećih propisa u vezi sa platama u pravosuđu. Na sjednici održanoj 16.12.2009. godine VSTV je podržao nacrt zakona o izmjenama i dopunama *Zakona o platama i drugim naknadama u sudskim i tužilačkim institucijama na nivou Bosne i Hercegovine*, koji je pripremila Radna grupa.

Predviđenim izmjenama zakona predložene su naknade za odvojeni život, troškove smještaja i naknada za prevoz na posao i sa posla nosilaca pravosudne funkcije u Sudu i Tužilaštvu Bosne i Hercegovine. U obrazloženju izmjena zakona je navedeno da će za provođenje predloženih rješenja biti potrebno iz Budžeta Bosne i Hercegovine izdvojiti iznos od 300.472 KM na godišnjem nivou.

Radi upućivanja u proceduru usvajanja, VSTV je dana 26.01.2010. godine nacrt zakona dostavio Ministarstvu pravde Bosne i Hercegovine. Nakon tehničke dorade, Ministarstvo pravde je 09.02.2010. godine zatražilo da na nacrt zakona daju mišljenje Ured za zakonodavstvo i Ministarstvo finansija i trezora Bosne i Hercegovine, shodno

Poslovniku o radu Vijeća ministara Bosne i Hercegovine (« Službeni glasnik BiH», broj: 22/03).

Nakon što je izvršeno usklađivanje teksta zakona sa datim mišljenjima, *Nacrt zakona o izmjenama i dopunama Zakona o platama i drugim naknadama u sudskim i tužilačkim institucijama na nivou Bosne i Hercegovine*, dana 04.05.2010. godine dostavljen je Vijeću ministara Bosne i Hercegovine.

Vijeće ministara Bosne i Hercegovine je *Nacrt zakona* uvrstilo u dnevni red 125. sjednice zakazane za 26.06.2010. godine, ali su izmjene zakona povučene sa sjednice Vijeća ministara radi obavljanja dodatnih konsultacija.

U međuvremenu, VSTV pripremiло novi tekst izmjena zakona iz juna 2010. godine, kojim su uvedene nove naknade (za slučaj teške povrede na radu, bolesti, invalidnosti, smrti sudije, tužioca ili stručnog saradnika ili smrti člana porodice, porodijsko odsustvo, kolektivno osiguranje, prekobrojnost...).

Potrebno je naglasiti da VSTV u dostavljeni nacrt zakona samo uvodi pravo na navedene naknade i ostavlja mogućnost da ova pitanja regulišu internim propisom. Novim prijedlogom izmjena zakona nije izvršena analiza sredstava potrebnih za provođenje zakona, te se iz predloženih normi ne može naslutiti koliko će sredstava biti potrebno izdvojiti iz Budžeta BiH za finansiranje navedenih nadoknada.

Kako nije moguće započeti proceduru usvajanja zakona koji zahtijeva angažovanje dodatnih sredstava u Budžetu, Ministarstvo pravde Bosne i Hercegovine ponovo, zajedno sa VSTV-om usaglašava predložene norme kojim će biti regulisane naknade za odvojeni život, troškove smještaja, toplog obroka, naknada za prevoz na posao i sa posla, ali i druge naknade predložene od strane VSTV-a.

Iz naprijed iznesenog može se vidjeti da je VSTV imalo aktivnu ulogu u pripremi izmjena i dopuna zakona kojima se regulišu primanja i naknade sudija i tužilaca u Sudu i Tužilaštvu Bosne i Hercegovine. Dostavljanje novog teksta izmjena već usaglašenog zakona i njegovo skidanje sa dnevnog reda sjednice Vijeća ministara Bosne i Hercegovine, odgodilo je dostavljanje ovog prijedloga u parlamentarnu proceduru. Dostavljanje novog prijedloga bez naznake potrebnih sredstava koje je neophodno obezbijediti u Budžetu Bosne i Hercegovine, dovelo je do potrebe daljih usaglašavanja i odgađanja utvrđivanja konačnog teksta izmjena zakona.